

夢裏遊郊野骷髏告我來哀聲聲切切聲哀自限從前酒色氣
兼財 四害於身苦人心竟不灰致今萬劫落輪回悔不當初
學道做仙材

又

王與馬相見心交應宿緣太原梁苑已昇天記得當初留語再
相傳 守服須三載持心更五年誘人歸善行功全此箇扶風
重禮害風仙

又

但願三丹結何愁兩鬢皤蓬頭垢面囉唻囉十二時中謹謹養
沖和 不羨相如志無心繼伏波馬風題柱意如何不做神仙

道藏輯要

漸悟集

三

胃集七
廿七文

不過灞陵河

又

無使名過實常教實若虛藏機隱密恰如愚閑問心王何處用
功夫 性做長生寶身為大藥鑪鍊丹須要飲醅酬醉卧瓊樓
調弄夜明珠

又

不羨人先悟惟愁我未愚蓬頭垢面背盧都身做行菴到處得
安居 不著人情絆常教我相除逍遙自在箇塵無物外山侗
不解會功夫

過真人

重陽師父談爐竈全在心田了山侗亦認本來真性停命佳永
永是吾神 從今內外成顛倒漸漸通明道故將詩曲勸多人
猜得春花秋月好爲親

惜黃花

和師韻贈長安范公

棄財戒酒藥囊繫肘常清淨便把虎龍引逗心起大慈悲人人
盡欲救化愚迷詩詞如咒 休要攀花柳速修神秀玉壺中有
箇自然紅狗日日吠青霄誰知合著口更披雲能飛解走

無夢令

四十一首

贈景公

道藏輯要

漸悟集

三

胃集七
川文

物外先生姓景酒色財氣常警稍稍覺偏頗不待他人自做自
做自做得步長生內境

贈蓬萊散人

一志孤清守道十地遍生芝草百行謹行持千日鍊成眞寶眞
寶眞寶萬劫容光轉好

又

莫訝邇來栽竹非戀眼前碧綠惟愛歲寒心使我自然不俗不
俗不俗清靜志堅仙福

贈岳散人

悟道散人姓岳秘密玄機把握終日撫心琴便是蓬萊仙樂仙